



**UNIT KOMUNIKASI KORPORAT  
JABATAN PERIKANAN MALAYSIA  
BERITA PERIKANAN HARI INI**

**01 Mac 2024  
20 Syaaban 1445H**

SENARAI AKHBAR	TAJUK
Utusan Malaysia	•
Berita Harian	•
Harian Metro	• Nelayan asing guna bubu naga
Kosmo	•
Sinar Harian	• PATI dicekup tangkap ikan guna bubu naga
The Star	•
New Straits Time	•
Nanyang Siang Pau	•
Malaysia Gazette	•
Harakah	•
Malaysiakini	•
Bernama	•
Borneo Post (KK)	•
Guan Ming Daily	•
Sabah Media	•

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO	/	NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF	/	NEUTRAL			10	1.03.2024

**'RAMPAS' HASIL NELAYAN TEMPATAN**

# Nelayan asing guna bubu naga



EMPAT nelayan warga asing bersama dua bot ditahan di kedudukan kira-kira satu batu nautika barat daya Tanjung Karang, kelmarin.

Oleh Amirul Aiman Hamsuddin  
am@hmetro.com.my

**Tanjung Karang**

SEmakin ramai pendatang tanpa izin (Pati) dikesan menyusup dalam sektor perikanan dan 'merampas' pekerjaan yang sebelum ini didominasi warga tempatan.

Terbaharu empat nelayan warga asing diberkas Agensi Penguatkuasaan Maritim Malaysia (Maritim Malaysia) Selangor ketika sedang menangkap ikan di perairan Tanjung Karang kelmarin.

Pengarah Maritim Selangor, Kepten Maritim Abdul Muhaimin Muhammad Salleh berkata, semua warga asing itu ditahan ketika menggunakan peralatan menangkap ikan dilarang iaitu bubu naga.

Beliau berkata, kedua-dua bot digunakan nelayan warga asing itu tiada nombor pendaftaran.

"Hasil pemeriksaan mendapati, setiap bot memiliki tiga set bubu naga bernilai RM300.

"Bot berwarna putih dan merah dikendalikan dua warga Myanmar manakala sebuah lagi bot berwarna merah dan biru pula dikendalikan dua warga Indonesia," katanya.

Abdul Muhaimin berkata, kesemua suspek berusia lingkungan 22 hingga 31 tahun didapati tidak memiliki dokumen pengenalan diri yang sah.

Menurutnya, kedua-dua bot disita sebelum dibawa ke jeti Polis Marin Pulau Indah untuk diserahkan kepada pegawai penyiasat Maritim Malaysia bagi siasatan lanjut.

"Kes disiasat mengikut Seksyen 11(3)(c) Akta Perikanan 1985 dan Seksyen 6(1)(c) Akta Imigresen 1959/63.

"Penggunaan bubu naga bukan sahaja menyalahi undang-undang, bahkan menjejaskan ekosistem laut dan sumber pendapatan nelayan tradisional pesisir pantai," katanya.



UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN:	POSITIF	NEGATIF	NEUTRAL	26	01-03-2024

# PATI dicekup tangkap ikan guna bubu naga



PATI menunjukkan bubu naga digunakan mereka untuk menangkap ikan secara haram di perairan Klang.

Penggunaan pukut tersebut diharamkan dan menyalahi undang-undang

Oleh MUHAMMAD AFHAM RAMLI  
KLANG



Dua PATI ditahan Maritim Selangor selepas dikesan menangkap ikan menggunakan bubu naga.

Kegiatan empat pendatang asing tanpa izin (PATI) menangkap ikan menggunakan bubu naga di sekitar perairan Klang di sini, membawa padah apabila ditahan pihak berkuasa.

Pengarah Agensi Penguatkuasaan Maritim Malaysia (Maritim) Selangor, Kepten Maritim Abdul Muhaimin Muhammad Salleh berkata, ketika sedang melakukan rondaan, pihaknya mengesan dua bot gentian kaca dalam keadaan mencurigakan di perairan itu pada Selasa.

"Maritim Selangor kemudian bertindak menahan bot untuk pemeriksaan dan mendapati kedua-dua bot tersebut tiada nombor pendaftaran.

"Ketika diperiksa, setiap bot ini masing-masing didapati memiliki tiga set bubu naga dianggarkan bernilai RM300," katanya dalam satu kenyataan pada Khamis.

Menurut Abdul Muhaimin, bot berkenaan dikendalikan masing-

masing oleh dua warga Myanmar dan dua warga Indonesia.

"Pemeriksaan lanjut mendapati semua suspek berusia lingkungan 22 hingga 31 tahun tidak memiliki dokumen pengenalan diri sah.

"Mereka kemudian ditahan dan disiasat mengikut Seksyen 11(3)(c) Akta Perikanan 1985 dan Seksyen 6 (1)(c) Akta Imigresen 1959/63," katanya.

Dalam pada itu, Abdul Muhaimin berkata, penggunaan bubu naga adalah menyalahi undang-undang, malah menjejaskan ekosistem laut dan sumber pendapatan nelayan tradisional pesisir pantai.

Menurutnya, Maritim Selangor sentiasa komited meneruskan operasi dan rondaan di sepanjang perairan negeri bagi membanteras kes jenayah dan pelanggaran undang-undang.



ABDUL MUHAIMIN



Maritim Selangor menunjukkan bot digunakan PATI untuk menangkap ikan menggunakan bubu naga di perairan Klang.

"Sebarang maklumat aduan dan insiden kecemasan di laut, orang ramai boleh menyalurkannya ke MERS 999 atau hubungi Pusat Operasi Maritim Selangor untuk maklum balas segera," kata beliau.